

Papiamento den Bon Dia

Ernesto E. Rosenstand



PENSAMIENTO DI UN PENSAMIENTO

**Nos pensamiento pa awe ta uno di Channing Pollock.
Pollock tabata un dramaturgo Mericano
El a yega di bisa:**

FELICIDAD TA UN STACION ENTRE DI MAS Y DI MENOS.

Bunita bisa.

**Un hende felis ta un hende cu por realisa tur su deseonan.
E por mira cu su soñonan ta bira realidad.
Pues mester percursa pa no desea di di mas ni di menos.
Si nos desea di mas nos no por realisa loke nos kier.**

FELICIDAD TA UN STACION ENTRE DI MAS Y DI MENOS.

EXPRESIONAN

*Den tur idioma nos tin expresionnan.
Esakinan ta mara na e cultura di e pueblo.
Nos lo trece pa boso algun di nos expresionnan.
Nos expresion pa awe ta:*

CADA SAPATO TIN SU PIA

E ta nifica:

CADA COS TIN SU COS

Ban usa mas expresion den nos idioma.

UNDA E FALTA...

**BAN USA CORECTAMENTE NOS IDIOMA
Den e frase aki tin un falta.**

HUNGA CU SENTIMENTO DI HENDE CUAL NINGUN HENDE TA GUSTA.

**UNDA E FALTA TA?
E falta ta cometi contra uso di e conhuncion CUAL.
Den e frase aki nos mester a usa, LOKE.
E frase corecto lo mester a bira:**

HUNGA CU SENTIMENTO DI HENDE LOKE NINGUN HENDE TA GUSTA.

Ban pone mas atencion riba uso di nos idioma.

CONOCE MIHO NOS CARIBE

CONSTRUCCIONNAN INTERESANTE

*Den tur idioma tin construccionnan interesante
Palabranan ta haya otro nificacion.
Esaki mes ta haci e idioma mas rico..*

Ata un di nan aki :

E NEGOSHI NO TA DEHA

Loke kier men:

E NEGOSHI NO TA DUNA GANANSI

Aki den Caribe nos tababin diferente tribu.
Esun principal tabata esun di Arawaconan.
Un otro importante tabata esun di e Caribenan.
Tabatin tambe, Kalinago, Taino, Lucuyans y Siboney.
Esakinan a biba riba e diferente islanan Caribense.
Pues nos ta haya diferente number.
E hendenan aki tabata hiba un bida hopi primitivo, ma nan tabata felis.
Cu excepcion di e Caribenan cu tabata un tribu cu tabata gusta guerra masha hopi. Nos ta haya tambe Caketionan cu a biba aki na Aruba.
E habitantenan aki tabata forma parti esencial di naturalesa.
Nan tabata un cu ne. Y nan tabata un pueblo pacifico.
Nan no tabatin un cultura desaroya manera esun di e Azteca, Maya y Incanan.
Ma nan no tabatin nada di keha.
Nan tabata planta matanan pa nan cuminda , jaag pa haya bestia pa come.
Y nan tabata traha obheto di klei pa nan uso.
Di e Caketionan nos por bisa cu nan tabata animista.
Pues nan tabata kere cu nan tabatin un alma cu lo keda biba despues di nan morto. Regularmente nan tabata busca contacto cu nan hende cu a muri.
Nan tabata cuminsa nan dia yorando nan difuntonan.
Nan tabata un pueblo pacifico compara cu e Caribenan.
Aki na Aruba nos tin masha poco artefacto cu nan a laga atras.
Nan ceramica no tabata asina desaroya manera ta e caso cu e otro culturanan di Latino America.
Cu nan a biba aki nos ta mira den algun bibadera cu nos ta haya aki aya na nos isla.
Te otro siman.